

Եւ Հոգևորտէրն յամեալ ի ճանապարհ ի հանդիպեալ քաղաքսն, ոչ եկն այն տարի յերուսաղէմ, եւ զմեր տարեալ ընծայն բաշխեաց միաբանիցն վանից կարգաւորաց և արեղայիցն ժամարարաց, նա և յամենայն աւուր, որ էր ի ժամանակս սրբակրօն և մաքրասուն առաջնորդին Երուսաղէմի՝ վարդապետին Աստուածատրոյ: Եւ կատարեալ զուխտն՝ մահտեսի մարքս ելեալ եկաք ի քաղաքս: Բայց ինքն այնու ոչ շատանալով, խօկալով զմահ թէ Երթայց և երկրպագից սուրբ գերեզմանի կարապետի սրբոյ որ ի Տարօն, և գայ ընդ Լուսաւորչօք եւ ամենայն վանօրէիւք յեկեղեաց գաւառն եւ ի Դարանաղեաց, ոռճկելով զամենեսեան: Հանդիպի և ի բնիկ գիւղի իւրում և անդ ևս յիշատակ թողեալ ինչ ի պէտս գիւղին և գայր: Եւ յետոյ եկեալ կաթողիկոսն սուրբ յերուսաղէմէ ի քաղաքս՝ բազում սէրս ցուցանէր որ անգծելի: Եւ փոխանակ ոչ առնելոյն զուխտն Երուսաղէմի ընդ Հոգևորտիրին, խնդրեաց Աստուածաշունչ մի վասն իւր. որ եւ անդանդաղ առնէր, և պարսաւելի նօտարք քաղաքիս և ծաղկողքն մինչև զերիս և զԴ ամս անցուցանէին անկատար, ուստի գայր թուղթ յիջմիածնէ թէ Ջանասցես, ո՛վ հաւատարիմդ եւ ի բնէ բարեկամդ, ո՛վ քրիստոսասէրդ և սրենդ հաստատ սուրբ Տանս, ջանա՛ զի առաքեսցես զյիշատակս քո, զի մարմնաւոր աչօք տեսայց մինչև և մեռեալ իցեմ: Որում եհաս վախճան ամենամաքուր սուրբ հայրապետին Փլիլպպոսի՝ աթուակալին Սուրբ Էջմիածնի, որ և մորմօքէր սիրտ իւր, խարշէր երիկամունքն և գալարէր աղիքն՝ թէ ոչ ժամանեաց, այլ մնաց սակս աղմկացն աւուրցն առաջնոց այսր պատմելոց մինչև ցարդ: Որում և գրեաց Յակոբ կաթողիկոսն թէ Առաքեա՛: Եւ զկնի մեռանելոյն՝ առ մեզ գիր մխիթարական հանդերձ աւրհնութեամբ վասն Աստուածաշնչին յղելոյ: Զոր ի ժամ